

Ramai pesilat mohon geran

Berita Harian, 20 February 1999, Page 19

Article also available on Microfilm Reel NL21597

Printer-Friendly Page

# Ramai pesilat mohon geran

Empat diletak dalam kategori bantuan maksimum \$8,000 **SILAT**

Oleh **YUSOFF A. RAHMAN**

**PERSEKUTUAN** Silat Singapura (Persisi) merupakan persatuan nasional yang mengemukakan senarai atlet yang paling banyak meminta bantuan Skim Pembangunan Sukan Cemerlang (Seap) daripada Majlis Sukan Singapura (SSC).

Mengesahkan bilangan 80 pesilat yang memohon skim itu, Pegawai Sukan Kanan SSC, Abdul Rahman Hassan, berkata pihaknya akan menimbangkan semua permohonan itu.

"Persisi merupakan persatuan nasional yang mempu-

nyai jumlah atlet paling banyak yang meminta bantuan skim Seap," kata Abdul Rahman.

Menurutnya, bantuan maksimum yang boleh diterima ialah \$8,000 setahun dan bantuan minimum pula ialah \$500.

Biasanya, bantuan maksimum diberikan kepada atlet yang pernah mengutip pingat emas dan juga mempunyai peluang mencatatkan kejayaan besar dalam kejohanan-kejohanan akan datang.

Menjelaskan tentang alasan menyenaraikan bilangan terbesar ini, jurulatih nasional, Sheik Alauddin berkata ia bertujuan untuk membantu menampung perbelanjaan

para pesilat mengikuti latihan-latihan skuad nasional.

"Jika seseorang pesilat memerlukan \$5 untuk perbelanjaan pengangkutan sehari, bayangkan berapa banyak yang diperlukan jika pesilat itu harus berlatih enam kali seminggu. Kalau sebulan pesilat itu memerlukan \$120. Ini tidak termasuk wang makan.

"Tidak kurang pentingnya, jika seseorang pesilat mendapat skim ini maka beliau tidak dikenakan bayaran jika ingin mendapatkan rawatan di SSC," kata jurulatih nasional itu.

"Kalau tidak, pesilat itu terpaksa dikenakan bayaran. Atas sebab-sebab ini, kami mengemukakan nama semua

pesilat ini untuk mendapatkan bantuan Seap," tambah Sheik Alauddin.

Jurulatih itu kemudian memberitahu terdapat empat pesilat yang diletakkan dalam kategori utama.

Menurutnya, Persisi mengemukakan permohonan untuk mendapatkan bantuan kategori utama yang bernilai \$8,000 setahun untuk Abdul Kadir Ibrahim, Hidayat Hoeni, Rafeah Rashid dan juga dirinya sendiri.

Dua pesilat bersaudara, Mohamed Noorrafili dan Mohamed Zulfakar Mohamed Ramli diletakkan untuk kategori \$4,000.

"Mereka ini kini berada dalam Elit A," katanya.

**"Jika seseorang pesilat mendapat skim ini, beliau tidak dikenakan bayaran jika ingin mendapatkan rawatan di SSC."**

— Sheik Alauddin.



**SHEIK ALAUDDIN:** Bantu pesilat ikuti latihan skuad nasional.



We will be conducting system maintenance from 21 Feb, 10pm to 22 Feb, 9am. Patrons will not be able to use NLB's digital services during this period.

## Pesilat berpeluang uji prestasi dalam dua kejohanan luar negara

Berita Harian, 9 January 1998, Page 28

Article also available on Microfilm Reel NL21238

Printer-Friendly Page

# Pesilat berpeluang uji prestasi dalam dua kejohanan luar negara

SILAT

Oleh YUSOFF A. RAHMAN

PARA pesilat setempat berpeluang menguji kekuatan dan beriaja pengalamah dalam sekurang-kurangnya dua kejohanan antarabangsa pada tahun ini.

Selain Kejohanan Silat Undangan Vietnam, mereka juga dijangka beraksi dalam Kejohanan Peacak Silat Terbuka Malaysia di Sabah.

Ini telah dinyatakan oleh Setiausaha Agung Persekutuan Silat Singapura (Persisi), Jamaludin Jamil, mengenai kalendar kegiatan untuk para pesilatnya tahun ini.

"Selain dua kejohanan ini, kami juga menaruh harapan usaha-usaha untuk menjadikan silat sebagai acara pertunjukan dalam Sukan Komanwel di Kuala Lumpur dan Sukan Asia di Bangkok nanti akan menjadi kenyataan.

"Ini bermakna jika ada pesilat kami

yang diundang untuk muncul dalam acara pertunjukan itu, maka ia adalah satu lagi peluang untuk beraksi di luar negara," kata Jamaludin.

Merujuk kepada Kejohanan Undangan Vietnam, Setiausaha Persisi itu memberitahu Perskutuan Silat Antarabangsa (Pesilat) ada menyebut bahawa Vietnam akan menganjurkan kejohanan undangan pada Ogos nanti.

"Sempena kejohanan antarabangsa itu, pasukan tuan rumah juga akan menganjurkan kejohanan untuk belia," kata Jamaludin.

Menurutnya, Persisi akan mengambil bahagian dalam kejohanan tersebut jika menerima undangan.

"Tetapi bilangan pesilat kami yang akan ke Vietnam akan bergantung kepada bajet kami," tambah beliau.

Namun begitu, Persisi dijangka menghantar lebih ramai pesilat dalam Kejohanan Terbuka Malaysia kerana tempatnya bukan saja dekat bahkan tiga pesilat negara telah mengutip pingat emas dalam kejohanan lalu.

Tiga pesilat itu ialah Abdul Kadir Ibrahim, Sheik Alaudin dan Siti Fairuza Zainuddin.

Ditanya sama ada Persisi telah mendapat geran Rancangan Bantuan Kecemerlangan Sukan (Seap) untuk 30 pesilatnya yang dikemukakan kepada Majlis Sukan Singapura (SSC), Jamaludin berkata pihaknya masih menunggu bantuan tersebut.

Persisi telah menyarankan 30 pesilat untuk menerima geran Seap itu dengan enam untuk bantuan kelas elit yang berjumlah antara \$3,000 dengan \$8,000 setahun.

**“... kami juga menaruh harapan usaha-usaha untuk menjadikan silat sebagai acara pertunjukan dalam Sukan Komanwel di Kuala Lumpur dan Sukan Asia di Bangkok nanti akan menjadi kenyataan.”**

— Setiausaha Agung Persisi,  
Jamaludin Jamil.